



ISLAMSKA ZAJEDNICA U BOSNI I HERCEGOVINI

Medžlis Islamske zajednice Kakanj

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ

STUČNA SLUŽBA ZA POSLOVE OPĆINSKOG VIJEĆA

Broj:03-2-04-1-198-4/25

K A K A N J

OPĆINSKO VIJEĆE KAKANJ

Datum: 29.08.2025.

Org. jed.	Broj	Prilog	Vrijednost
03/1-	408	125	

PREDMET: Zahtjev za davanje na korištenje kompletnog objekta ili kompletnog prizemlja Vatrogasnog doma u Kraljevoj Sutjesci

Poštovani,

džematski odbor džemata Kraljeva Sutjeska obratio se Medžlisu Islamske zajednice Kakanj Zahtjevom za upućivanje dopisa Općini Kakanj kojim će biti zatraženo davanje na korištenje kompletnog objekta ili barem kompletnog prizemlja Vatrogasnog doma u Kraljevoj Sutjesci za potrebe džematskog odbora odn. nacionalnog spomenika. Smatrajući pomenuti Zahtjev više nego opravdanim, Izvršni odbor Medžlisa IZ-e Kakanj je podržao navedeni Zahtjev te vam se ovim putem obraćamo nadajući se da ćemo imati vaše razumijevanje i podršku.

Naime, Općina Kakanj je prije nekoliko godina omogućila džematskom odboru džemata Kraljeva Sutjeska korištenje jedne garaže i manje prostorije Vatrogasnog doma u Kraljevoj Sutjesci, obzirom da Služba civilne zaštite Općine Kakanj nije imala potrebu za korištenjem pomenutog objekta.

U periodu koji je uslijedio, realizovane su brojne aktivnosti na zaštiti Džamije u Kraljevoj Sutjesci kao najstarijeg sačuvanog objekta iz osmanskog perioda u BiH koji je kao takav proglašen nacionalnim spomenikom kojeg čine Džamija sa haremom, kamenim haremskim zidom i šadrvanom. Pored zaštite i unapređenja ovog kulturno-historijskog blaga, mnogo je urađeno na promociji ne samo Džamije, nego i promociji Kraljeve Sutjeske i općine Kakanj u cjelini.

Tome svjedoče brojni posjetioci kojih je iz dana u dan sve veći broj, koji dolaze iz raznih krajeva Bosne i Hercegovine i inostranstva kako bi posjetili Džamiju i druge kulturno-historijske znamenitosti, te uživali u prelijepom ambijentu Kraljeve Sutjeske.

Vjerujemo da su tome u značajnoj mjeri doprinijele aktivnosti vezane za Džamiju – od uređenja navedenog prostora do vjerskih i edukativno-rekreativnih sadržaja realizovanih u Džamiji i njenom haremu.

Također, vjerujemo da imamo znanje, iskustvo i jaku želju za nastavak i unapređenje pozitivnih promjena koje doprinose razvoju turizma Kraljeve Sutjeske i naše općine u cjelini. Nažalost, postoji otežavajući faktor koji u značajnoj mjeri usporava gore navedene aktivnosti, a ogleda se u nedostatku prostora odn. objekta za kojim imamo potrebu i kojeg bismo koristili za potrebe zaštite i unapređenja nacionalnog spomenika, ali i organizovanje promotivnih, kulturnih, edukativnih, rekreativnih i drugih sadržaja na korist šire društvene zajednice.

Shodno navedenom, upućujemo vam ovaj Zahtjev tražeći da nam na duži vremenski period date na korištenje kompletan objekat ili barem prizemlje objekta Vatrogasni dom u Kraljevoj Sutjesci koji već godinama stoji uglavnom neiskorišten i ne služi funkciji za koju je namijenjen, a kojeg bismo u slučaju pozitivnog odgovora održavali, štitili od propadanja, estetski približili ambijentu i koristili u gore navedene svrhe.

Uzimajući u obzir dosadašnju dobru saradnju koju smo imali sa Općinom Kakanj, želimo se zahvaliti na podršci koju smo imali u proteklom periodu. Nadajući se da ćete prepoznati vrijednost i značaj ovog projekta te podržati njegovu realizaciju, unaprijed se zahvaljujemo.

S poštovanjem,



PREDSJEDNIK IZVRŠNOG ODBORA
MEDŽLISA ISLAMSKA U BOSNI I HERCEGOVINI
mr. Nevzet Kovačević

Dostavljeno:

- Načelniku Općine Kakanj,
- Općinskom vijeću Kakanj,
- Klubovima političkih subjekata OV Kakanj,
- a/a.